

إنت بتشتري راجل يا عمي !! | الحلقة (40) |

#الشباب_والصيف | د. حازم شومان

حازم شومان

لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد. اخواني واحبابي في الله شبابنا وبناتنا ربنا - 00:00:32

فيكم وربنا يحفظكم. يعني انت بتشتري راجل يا ترى هنتكلم عن ايه يا جماعة؟ خبر كده جه في الجرنال. شاب من الشباب اتفرج على كليب من الكليبات المثيرة جدا كان لواحدة من المشاهير في الكليبات ثارت شهوة الشاب شاف جارتته من البلكونة. راح خبط عليها وحاول يتعرض لها بالاغتصاب. ولما قومته - 00:00:52

انها تصرخ قتلها وتحول الى قاتل. عارفين اصل الجريمة ايه يا جماعة؟ الفراغ. البطالة. البطالة دي ام الجرائم. مع الشهوة يبقى انت بتتكلم في دمار محقق والعياذ بالله. سبب درس الليلة ايه؟ سبب درس الليلة مشهد انا شففته كتير اوي يا اخواني. شففته في شباب اتحطمت نفسيتهم - 00:01:12

شباب كتير جدا جدا جدا بينزل الجامعة يعيش في دور التنين والشباب اللي روش طحن والشراب لون القميص ولون التيشيرت والساعة مش اي في حاجة وبيكلم دي وبيكلم دي ولذاذة وطعامه شاب محبوب جدا اتخرج شاف بنت عجبتته. هو معتقد ان الناس كلها بتحبه - 00:01:32

ويبقى له قيمة خطيرة جدا في الحياة. يروح يتقدم لابوها. انت بتشتري راجل يا عمي. انت ما انتاش عارف اهو واقف على باب واقف على الباب بقى زي البروم والتمثيل اللي احنا - 00:01:52

عملناه للحلقة واقف على الباب بقى يحط البرقان ويعدل الدوجلاس هو معتقد ان دي امكانيات خطيرة. اول ما حماها يشوفه هينهار ويقع من ويجيبوا لبس كتاف يدخل يتسأل ثلاث اربع اسئلة يتجاب لمس كتاف. يا ابني انت عندك شقة انت هتسكنها فين؟ الشقة بتاعتك ولا ايجار - 00:02:02

انت يا ابني تقدر تجهز العفش في خلال قد ايه؟ انت يا ابني شغال ايه؟ انت دخلك السابت قد ايه؟ في النهاية احنا اسفين يا ابني. ما عندناش بنات للجواز. طب - 00:02:22

لو كان الشاب معلق قليلا بالبت شوية او عجباه بيخرج يتحطم احساس انسان لأول مرة. حس انه في سوق الحياة ما لوش قيمة. ما لوش وزن بعد ما كان بيحسب ان اللزاة والرواشة والكحرطة والشهامة والعلاقات والدحك والهازار كان بيحسب ان دي امكانيات بتؤهله للنجاح - 00:02:32

في الحياة درس الليلة يا شباب. صرخة تحذير. صرخة تحذير للشباب كلهم. من انهم يتحولوا لنموزج الشباب اللي انا عارفه واللي انا عملت الدرس ده عشان ما حدش منكم يبقى نموزج من هذه النماذج. درس الليلة تفسير. ليه القهاوي مليانة؟ مئات الالوف من الشباب - 00:02:52

الحزة اللي احنا قاعدين فيها. اوعوا تفتكروا انهم شباب بيهيصوا. دول شباب محطمين. دول شباب اتعرضوا للتجربة اللي انا باكلمكم عنها دي. او تجارب شبيهة حسوا ان هم ما لهمش قدرة حقيقي في المجتمع لجأوا للقهوة. وللاحباط مراحل تحطيم شاب. مراحل

مراحل انتحار شاب. المرحلة الاولى مرحلة انه يعيش ويهيس وهو في سنة وهو في جامعة. وفاكر ان العمر طويل وفاكرها بمبي ان الموضوع مش كده. الشباب ببدا حياته بعد الخمسة وعشرين حياته العملية الفعلية. وعایش بالطول والعرض. المرحلة الثانية من الانهيار. لما - 00:03:32

يشوف واحدة تعجبه ويبجي يتأذب لها او يروح يعمل انترفيو في مالتى ناشيونال جروب او يروح يعمل انترفيو فسفارة دولة عايز يهاجر لها اكتشف ان هو ما هوش اي مؤهلات للحياة. ويكتشف ان كل الايام اللي قضاها في اللذابة والطعامة كانت محطة والدنيا عدته وهو فضل مكانه - 00:03:52

المرحلة الثالثة من انهيار شاب يفضل قاعد على القهوة مستني فرصة من السما. وربنا قادر ولكن مش دي سنة ربنا. المرحلة الرابعة من مراحل انتحار شاب قعدته على القهوة. قعدة القهوة دي مصيبة يا جماعة. لانه بيقتد على القهوة ببص للحياة بنزرة تانية. ببص للي كان بيحبها. وهي راكبة عربية جميلة - 00:04:12

قيل مع خطيبها اللي لما اتقدم لها ابوها رضا انه يجوزها له وهي ماشية بتضحك وكأنه هو حاطة واتنست من الحياة. ببص لصاحبه الغني اللي معه من قدام القهوة بالعربية الفارقة بتاعته وهو ما هوش غني ولا حاجة. طب انا ببدا يحقد على المجتمع. ببص للناس اللي معها فلوس بتصرف فلوسها في ايه - 00:04:32

ملياردير اللي اللي كلف جوازة الكلب بتاعته ملايين. هو انا ما اقدرش ما بقتش لي قيمة في المجتمع زي ده! ببص لا تتخيله نفسية وعقلية اللي قاعد على القهوة بيفكر في ايه ؟ او بيفكر ازاى ؟ هو هو اختار انه ببص على الحياة من الزاوية السودا. للاسف الشديد - 00:04:52

لا تتخيل وهو ببص على المغني اللي بياخد متين الف دولار في الحفلة. طب انا يا ريتني كنت طلعت مغني على لعب الكورة اللي شركة موبينيل عملت مليون جنيه لكل لعب من اللعبة اللي هيكسبوا الماتش المهم جدا جدا. التاريخي ببص على الراقصة اللي بقى منهم الاف - 00:05:10

اللي دخلها الشهري ممكن يبقى فوق السانوي. ممكن يبقى حوالي مية الف دولار. ببص على الدنيا بعينين تانية. وطول ما هو قاعد على القهوة ببدا التحطيم عشان كده درس الليلة صرخ التحذير. عشان كده انا باكلم مين ؟ انا باكلم الشباب اللي لسة في سانوي وجامعة. باقول لهم الدرس ده بتاعكم انتم. واعدادي، الدرس ده بتاع - 00:05:30

كنتم الدرس ده بيقول لكم انتم لسة قدامكم الفرصة واسعة. لو فهتمم الحياة صح. باكلم الشباب اللي من اتنين وعشرين لتلاتين. اللي قاعدين على القهاوي ماليين القهاوي حتى اهاليهم مش فاهمين الاحباط اللي هم فيه. ومش فاهمين هم قعدوا على القهوة في عز شبابهم. وفي عز مراحل انجازهم في الحياة. ليه - 00:05:50

انا باقول للشباب دول كلهم ايه ؟ انا باقول للشباب دول كلهم احنا النهاردة هنصحح اخطر مفاهيم. المفاهيم دول هم السبب في دمار حياة كثير من الشباب والمشاكل النفسية اللي دخلوا فيهم. الدمار في بعض مستقبل شباب كثير. مهما صح مفاهيم تجاه نقطتين. الشغل والجواز - 00:06:10

الشغل والجواز دول نقطتين الشباب محتاجين تصحيح مفاهيم فيهم. بكل ما نستطيع من قوة بازن الله سبحانه وتعالى. الدرس يا اخوانا اللي اتفرج على البرومو التمثيلي بنضحك وبنصور الشاب وهو رايح يقابل حماه. آآ آآ الدرس ما لوش دعوة بعنوانه. عنوانه ممكن يكون كوميدي - 00:06:30

انت بتشتري راجل الدرس ده عملي واقعي. الدرس ده لو انا قلت لك انه صرخة باصرخة من قلبي فيك يبقى انا ما ببالغش. الدرس ده عكس المتوقع ان داعية هيبجي يقعد قدام الشباب هيكلمهم يقول لهم ابشروا اصبروا لا الدين مش وظيفته انه يبقى مخدر يخدر الناس - 00:06:50

مش افيون شعوب يا جماعة. الدين سورة تصحيح. الدين ايقاظ. الدين وعي. عشان كذا الدرس دا ممكن تكون كثير منكم مش

متوقعين ان هنتكلم مع بعض بالطريقة دي ولكن لازم نتكلم مع بعض بالطريقة دي. نبدأ الدرس من اللحظة الفاصلة. اللحظة اللي الشاب بيروح بقلب اخضر - [00:07:10](#)

وقلب بريء وهو فاكرا الدنيا بمبي يروح عشان يتقدم لعروسة وهو فاكرا ان مؤهلاته من الحياة بدلتها والهدية اللي هو داخل بها هذا اللي هو خدها والفاكر ان دي مقومات الحياة والعلاقات وانا محبوب جدا يا عمي. وانا الشباب اول ما يشوفوني بيطيروا وانا لي - [00:07:30](#)

مية وخمسين صديقة ده انا شخصية ده انا تتين. ده انا ما حصلتش فاكرا ان دي مؤهلات الحياة. يدخل ياخذ اسئلة صامدة الاستجواب يبجي يقعد الاب الاول مم ابني حبيبي. انت احنا اهم حاجة عندنا الاخلاق والدين يا ابني. احنا بنشتري راجل - [00:07:50](#)

ولكن انت عارف الدنيا الايام دي فلازم برضو يعني نسأل كده زي الناس وفي النهاية يا ابني ما يهمناش غير الدين والاخلاق. وهو لا هيسأل بيصلي ولا لأ. ولا الشاب ده له علاقات محرمة قبل الجواز ولا لأ؟ انت يا ابني شقتك عندك شقة تمليك ولا ايجار؟ في منطقة شعبية ولا في منطقة راقية؟ - [00:08:10](#)

وزيفتك شغال بمرتب قد ايه. مرتبك ده سابت ولا مش سابت؟ هتسافر برة ولا مش هتسافر برة؟ لو هتسافر هتسافر فين؟ وهتسافر وهتشتغل هتودي بنتي معك فين يا ابني؟ العفش اللي هنطلبه منك. في خلال كم شهر هيكون جاهز معك. عشان انا جاهز احنا بنجهز البنت. بالنيش واللبس بتاعها - [00:08:30](#)

والبنت دي في حضانة انت خلص المرحلة الاولى من الاستجواب يدخل في المرحلة الثانية لو اطمئن انت ابوك بيشتغل ايه ووالدتك وجدك وجدتك واعمامك واخوالك وولادهم وولاد اخوالك وولاد اعمامك عايزين نعرف هناسب مين يا بني الوقت يا جماعة الشبكة معدتش ذهب الشبكة بقت الماز دلوقتي يا جماعة في قرية جنبنا بينا وبينها - [00:08:50](#)

في المنصورة اتنين ثلاثة كيلو الشاب اللي مش هيسافر ايطاليا ما حدش بيرضى يجوزه بنته. الوقت يا جماعة ما عدش حد بيقول هتجيب كم اوضة. هتجيب الاوضة من ام كم - [00:09:10](#)

هتجيب اجهزة ايه؟ لأ هتجيب الجهاز ماركة ايه؟ انا شفت النهاردة قايمة والله اقسم برب العزة انا باحسبها نكت حد بيهزر. واحد قايمة قايمة قايمة عروسة انا باحسب ما اعرفش ان دي القايمة اللي الناس بتمضي عليها اصلا. مش ممكن الفكر بتاعنا وصل كده! فيه ناس بتطلق عشان القايمة - [00:09:20](#)

في ناس يعني واحدة متصلة باحد الدعاة لما قناة فضائية بتقول له آآ جوز بنتي زعلها وغضبها خمستاشر يوم رحنا جنبنا بلطجية سرقنا العفش اللي فيه اللي مكتوب في القايمة وبعد كده رفعنا عليه قضية عايزين القايمة. هو حرام اللي عملناه يا شيخ ويجي البوليس ينزل العفش ويقف في الشارع. وتيجي العروسة تقول لأ ده - [00:09:40](#)

الطقم ده كان تمن كوبايات مش ستة بس. وممكن يتسجن فيها في النهاية. عشان القايمة. استنى يا ابني احنا مش ناس بتوع مشاكل. حبيبي احنا بنشتري راجل. بس خد بالك يا حبيبي ان انت بالزوق كله لما هتيجي تتقدم لها وتخطبها في حاجة اسمها العيديات والخروجات والهدايا. الهدايا عروستي يا عمي طبعاً يا حبيبي - [00:10:00](#)

عروستك في العيد الصغير عيدية وفي العيد الكبير وفي عيد تحرير سينا واستنى يا ابني لازم ام العروسة في عيد الام كمان يجي لها هدية واخوات العروسة لازم عباية يا ابني - [00:10:20](#)

يا ابني يا عمي يريد الله بكم اليسر. ولا يريد بكم العسر. يقوم الراجل وتيجي الست بقى الام تقول له يا ابني احنا بنشتري راجل اهم حاجة الدين والاخلاق يا حبيبي. تعال بس يا حبيبي. ما انا عايز اقول لك والله ما يهمنا شبكة يا ابني. شبكة ايه! ده بيتك يا ابني ودي مراتك. واحنا كل ده - [00:10:30](#)

عشانك انت انما بنت خالتها جا لها الماز، واختها جا لها شبكة بستين الف ذهب. ترضى انك تكسر قلب حبيبته اللي انت بتحبها. وجاي والفرح يا ابني هيبقى في فندق كم نجمة وهتجيب مين من المغنيين وهتقدم اوبن بوفيه ولا مش اوبن بوفيه. وعلى فكرة يا

ابني احنا ما يهمناش غير انك تبقى - 00:10:50

راجل واحنا بنشتري راجل بس السيراميك بتاع الشقة عايزينه من النوع اللي بيعيش عشرين سنة وعايزين البش بانيو بقى عايزين شاربوكس بقى وعايزين انت عارف برضو البطاطين مليون بطانية خمستاشر كيلو دي! يا ابني ده كله لك وده بيتك وانت اللي هتدفي في الشتا. والشتا بقى صعب. وعايزين برضوا حبيبي الستاير ستارة الشباك - 00:11:10

من ام عشر تلاف وستارة الشبابيك الصغيرة من امه تمتتلاف وعايزين الخشب اروزان عشان يعيش ثلاثين سنة وعايزين حفيات الماني عشان تعيش خمسة وعشرين سنة وده كله بيتك يا حبيبي واهم حاجة حبيبي ان مامتك ما تتدخلش في حياة مراتك عشان تبقى الجوازة لزيذة ده انا - 00:11:30

جهز مراتك من اللي انت جاي تخطبها من وهي في الحضانة باجيب لها النيش بتاعها. بعد كده يقوم الاتنين ويجي الاخت الفاضلة بقى اللي بقى لها خمستاشر سنة من بعد ما - 00:11:50

اتخرجت وهي قاعدة ترتب للقاء ده. اول ما سعيد الحظ هيجي يقعد جنبها. يا ترى يا ترى هي هتسأله فيه؟ حبيت قبل كده ولا لا؟ خطبت قبل كده ولا لا؟ هتتجوز علي ثاني ولا مش هتتجوز؟ يخرج الشاب من اللقاء ده. يا اخوانا كلوا من طيبات ما رزقناكم ولا تطغوا فيه - 00:12:00

ولا تطغوا فيه. بلاش طغيان الاسراف في المباحات. ليه الطغيان اللي بقى الناس فيه دا بالمنزر دا! شوار العروسة في الارياف خمستاشر عربية ربع نقل بينقلوا العفش بتاعها من بيت ابوها لبيتها. ليه يا اخوانا؟ لمازا ولا تطغوا فيه؟ يخرج الشاب لو هو شاب آآ - 00:12:20

مش كويس مش ملتزم يا عم آآ يا عم هو انا عايز ايه؟ متعة ببلاش موجودة لزة جماع وزنا ببلاش والعياز بالله واللي بالحرام هناخده اللي ما عرفناش ناخده بالحلال. لما دخلنا البيوت من ابوابها هناخده بالحرام من على الفيسبوك ومن - 00:12:40

العلاقات اللي هنعملها وهنعيش حياتنا. وكله ببلاش. لو هو انسان ما بيحبش البنت دي بلا جواز بلا هم. لو هو بيحبها هيخرج محطم وينضم لفريق القهاوي الاجتماعي ويقعد على القهوة محطم نفسيا وقاعد محروق قلبه على شبابه وعلى القهر اللي هو فيه - 00:13:00

ايه اللي وصلنا للنتيجة دي؟ انت عارف انت غلطتك ايه؟ انت عارف انت انت غلطت غلطتين. الغلطة الاولانية انك ما استعدتش للموقف ده. انك انت افكرت وفي سانوي وفي جامعة - 00:13:20

ان الحياة باللازاة والمشاورير والفسح والواد الكون اللي طالع من الساحل الشمالي على شرم على مارينا. افكرت ان الصيف مارينا. طلع الصيف شغل ان الموضوع استعداد. طلع ان انت لازم قبل ما تدخل بيوت الناس تكون مستعد وعارف انت هتتسأل في ايه. السبب الاول انك ما استعدتش. السبب الثاني انك - 00:13:30

ما اخترتش صح. الموضوع انك لازم تختار ناس تقدر كفاحك. تقدر تعبك. تقدر كبنى ادم. مش تختار ناس كل تقليمها لك الفلوس وبس هم دول الحاجتين اللي احنا عايزين نصح المفاهيم فيهم. مفهوم الشغل انك ما استعدتش صح. ومفهوم استعداد ازاى؟ ده انا طالب. طب تعال نتكلم ونفهم - 00:13:50

بقى. انا هاقول لك الكلام اللي عندي وانت حر. والمفهوم الثاني مفهوم الجواز انك ما اخترتش صح. انا هاديك الوقت يا اخوانا في مفهوم الشغل. انا عايز اقول لك بس - 00:14:10

انت لو عايز حالك يتغير كل شاب بيسمعني دلوقتي في اعدادي في سانوي في جامعة عايز ما يتصدمش الصدمة دي. كل شاب محطم الوقت من اتنين وعشرين سنة لتلاتين سنة قاعد على - 00:14:20

اهو بيسمعني وعايز يخرج من القمقم اللي اتحبس فيه من الاحباط ده. كل شاب من الشباب عايز يتغير يصدقني في الروشته السباعية اللي انا هديها لكم في درس الليلة يا جماعة - 00:14:30

انا هديكم روشته يعني انا انا عايز اسميها الروشته السحرية للخروج من ازمة الاحباط بسبب ازمة الشباب في الجواز وفي الشغل.

الروشتة دي يا جماعة سبع ادوية بازن الله سبحانه وتعالى. الروشتة ديت انا عايزك تركز معها جدا. لانيك مش هتعرف تطبقها غير لو غيرت دماغك - [00:14:42](#)

وعلى قد ما هتغير دماغك على قد ما هتقدر تستفيد. من الروشتة دي. تعال ناخذ السبع ادوية ونعرف الادوية بتاعتنا فيها ايه. الدوا الاول في هزه انت دور على رزقك من بدري. دور على رزقك من بدري. يعني الشباب في مصر يا جماعة ببدا حياته العملية بعد سن الخمسة وعشرين. بعد ما يتخرج ويقعد له سنة سنتين - [00:15:02](#)

يبدا بقی يشوف انا هشتغل ايه بقی انا هعمل سي في ايه انت يا ابني لما يروح يعمل انترناشيونال في آآ يعمل آآ انترفيو في الجروب شركة كبيرة ولا لما يروح يتقدم لعروسة يكتشف ان هو ما لوش قيمة في عملية في الحياة. يتصدم صدمة عمره. طب وبعدين ما كنت تبدأ من بدري. انتم عارفين - [00:15:22](#)

انا عامل الدرس ده ليه؟ انا لي واحد صاحبي راح اتقدم لواحدة بيحبها بيحبها. ابوه قال له انت بتشتغل ايه؟ الولد خرج محطم نفسيا. محطم والى الان محطم انا لي واحد اعرفه ثاني صاحبي من اول ما اتقدم لواحدة كان بيحبها. وحصل الحوار بينه وبين اهله. الى الان هذا الشاب على وشه اكتئاب - [00:15:42](#)

رهيب انا اعرف شاب تالت ابن ناس اوي يا جماعة. ولكن واتخرج ومعه شهادته ولكن هو بيشغلش. عشان يتقدم لواحدة هو نفسه انه يتجوزها من مستوى معين لازم يكون معه شغلانة معينة قاعد محطم. واعتقد ان هو كسر التلاتين او ما قرب من التلاتين الوقتي. وقاعد في نادي المحطمين نفسيا. في حين - [00:16:02](#)

ان انا لي واحد حبيبي اعرفه. الشاب ده ابوه عمد كان عنده شركة بربعمية مليون جنيه. ربعمية مليون جنيه شركة هو مدير الشركة وابوه واخوه ماسكين الشركة فالشاب اتخرج فجه يشتغل اخوه قال له هتنزل تبقى مندوب مبيعات تلف وتوزع قال اهله اوزع ازاى ده انا ده انا صاحب - [00:16:22](#)

اركب. ده انا ابن صاحبها قال له هتنزل توزع لازم تبقى راجل. انا عايزك تفهم الشغل من الاول. انا عايزك تعرف الشغل من السلم من تحت. الشاب ده فجأة ابوه مات. اخوه قاعد - [00:16:42](#)

بعد اسبوع فجأة مات. فجأة الشاب بقی مدير وصاحب الشركة كلها. بيقول لي انا لو ما كنتش عملت كده وقبلت كلام اخويا. انا كنت ضعت اشتغل نزل اشتغل وكافح رغم ان ابوه عنده ثروة طائلة. كنت قاعد مع راجل من الاثرياء بيقول لابني بدأ يلعب وبدأ يسهر وبدأ يعيش حياته ويرجع لي صح - [00:16:52](#)

بالليل ويشوح لي ويعلي صوته علي. قلت له انت هتشتغل. قال لي انا راجل. اشتغل ما اشتغلش ليه؟ بيقول رحت رميته في مزرعة فراخ. في مكان في الغيطان الناموسة قد كده هو واروح له كل اسبوعين ها راجل ولا مش راجل! يقول لي راجل! من الاخر والدته صعبة عليها! رحت جبهته! بيقول لابني من يومها - [00:17:12](#)

راجل ما بيسهرش في الاجازة يجيب كذا الف جنيه يفضل يصرف على نفسه فيهم. في الدراسة بيقول لي بنتخرج قلت له اجوزك ابوه راجل غني مش هتدفع لي مليم في جوازي. سافر اشتغل عشان يجوز نفسه. اتحول لراجل لما ابوه يشغله. عشان كده باقول للاباء اوعوا تقفوا في وش - [00:17:32](#)

لولادكم خلوا ولادكم يتعلموا الحياة. مين قال لكم ان الشغل الشغل تهزيق؟ مين قال لكم ان مين قال لكم ان الاجازة معناها مارينا والساحل الشمالي؟ الاجازة معناها شغل اكتساب خبرات وتنمية قدرات. الاجازة معناها انك تنزل ميدان الحياة تفهم الدنيا فيها ايه. عشان كده باقول لك انت ممكن تستغرب مني هو فيه داعية - [00:17:52](#)

كل الناس يشتغلوا في الدنيا ايوه يا ابني هقول لك الوقتي الصحابة والنبي عليه الصلاة والسلام والعلماء من الامة كانوا بيعملوا ايه؟ عايشين كده يا جماعة لا لازم تشتغل من بدري. مش تبدأ حياتك وانت عندك خمسة وعشرين سنة. تبدأها من سانوي واعادي وجامعة. طب لو هجيب لكم الوقت الصحابة عملوا ايه؟ طب لو انا قلت لك الوقتي - [00:18:12](#)

ان انا خلاص عدت السن ده يبقى لازم تاخذ القرار الجريء انك تعمل الخطوة السليمة النقطة الاولانية انك لازم تغير الصورة الذهنية

اللي عندك عن الشغل. ازاى اغير الصورة الذهنية اللي عندي عن الشغل؟ ان الشغل مش عيب انك تنزل تشتغل في اجازة مش عيب -

[00:18:32](#)

رؤساء امريكا بيقفوا في بنزينة في الصيف عشان يجيبوا مصاريف دراستهم. هو ابوهم فقير؟ لأ. ولكن بيعلموهم الحياة والنضج في الحياة. الشباب السوري لما مصر اسبت ان كتير من الشباب المصري ما هوش ناجح في حياته. لانهم لقوا فرص عمل جبارة في وسط البطالة اللي احنا بنزعمها. الشباب المصري عايز البدلة - [00:18:48](#)

الفتة والمكتب والعربية والتكليف ما ينفعش. ما ينفعش في بداية حياتك. انك انت توصل للقمة من البداية. عشان كده يا اخواننا اه اه يعني تعالوا نشوف الانبياء اشتغلوا ايه عشان ما نقولش ان الشغل عيب. ما نقولش ان الحرفة عيب. ما نقولش ان شغلك في الاجازة معناه ان ابوك ما هوش فلوس. ده معناه ان ابوك راجل واعى - [00:19:08](#)

وان انت انسان عايز تنزل الدنيا وتكتشف خبراتها وتاخذ المرحلة الفلسفة بتاعة بداية حياة اي شاب من الاول وانت صغير الدنيا مش هتفتح لك حضنها من اول الدنيا مش هتاخذك في حضنها من الاول. السعادة مش هتفتح لك ابوابها من الاول. التفاحة وقعت على راس مليون واحد. اشمعنى نيوتن - [00:19:28](#)

عمل قانون الجاذبية واكتشفوا بها الفرص لا تأتي الا لمن يستحقها. سيدنا داود عليه الصلاة والسلام كان حداد. سيدنا زكريا كان نجار سيدنا نوح كان نجار وبنى السفينة. سيدنا ادريس كان خياط. سيدنا محمد كان تاجر وكان راعي غنم. وكان رئيس مجلس ادارة شغل السيدة - [00:19:48](#)

عنده خمسة وعشرين سنة. السن اللي شباب الامة دلوقتي بيدأوا حياتهم عنده. سيدنا عيسى وسيدنا موسى كانوا رعاة غنم. ليه؟ متكبرين على ايه؟ ما حدش من الانبياء لبس البدلة والجرافة وقال انا عايز شغل آآ على مكتب. الشغل بتاعهم كله كان حرفيين. طيب عشان ربنا يقول لنا شرف المهنة. السلفة - [00:20:08](#)

علماء السلف الكبار تمسك في العقيدة كتاب الله كتاب يجعز كان بيعمل اللوالبك عارفين اللوكلوك الخف بتاع الرجل الامام احمد ابن حنبل وهو في اليمن بيطلب علم كان بيصنع الاساتيك بتاعة البناتيل. الاباني رحمه الله كان بيصلح ساعات. والشيخ حسن البنا رحمه الله. كان بيصلح ساعات - [00:20:28](#)

عشان كده يقول لك العلماء السلف كانوا بينتسبوا للمهنة بتاعتهم. كانوا كانوا فرحانين ان انا باشتغل حرفي وفي نفس الوقت عالم دين. ازاى من القراء السبعة بتوع القراءات المتواترة. الفراء في صناعة الفرو ده من علماء البلاغة واللغة. الجصاص من علماء الامة العظام كان بيخصص - [00:20:48](#)

كان بيعمل اللي هو الجير والاسمنت والحاجات دي. الاجري بتاع الشريعة كتاب الشريعة في في الاعتقاد. الاجري كان بيعمل اجر اللي هو الطوب الني والحاجات اللي زي ديت. البقلاني كان بيتاجر في البقول الفول. يعني بتاع فول! البقلان التوحيدى كان بيتاجر في التمور نوع - [00:21:08](#)

نوع من انواع التمور. يعني يعني ايه يا اخوانا؟ يعني الذهبي كان بيتاجر في الذهب. يعني كل دول كانوا بيتاجروا وكانوا شغالين وكانوا حرفيين وكانوا علماء للامة جنبنا ده منين؟ جنبنا سلبان الفارسي من اصحاب النبي عليه الصلاة والسلام بعد ما بقى امير على فارس كان بيشتغل خواص قالوا له - [00:21:28](#)

قال لهم احب ان اكسب من عمل يدي رغم راتبي. بياخذ راتب من دولة. انا لازم اكل من عمل ايدي. الله اكبر. سيدنا عمر كان يقول اني لارى الفتى فيعجبني - [00:21:48](#)

يعجبني قوي الشاب كده فاذا علمت انه لا حرفة له سقط من نظري. مين اللي قال ان الشغل عيب؟ مين اللي قال ده؟ ده قلة شغل عيب. ده قلة الشغل فضيحة يا اخوانا. يا اخوانا ابقوا سهيرة صاحب النهضة سبب نهضة اليابان قدام العالم. لما اليابان بعته ياخذ دكتوراه من - [00:21:58](#)

اوروبا خلع اللبس الدكتوراه ولبس العفريته الزرقاء ونزل يشتغل في الورش لحد ما قدر يصنع الموتور ولما صنع الموتور كتب اول

موتور ميدين جبان وبعدها خد الدكتوراه. انتم عارفين وهو ده سبب نهضة اليابان كلها. في التقنية واحد كان فكره عملي. امريكا

دلوقتي يا جماعة ما فيش حاجة اسمها - [00:22:18](#)

شاب بيدخل جامعة. الشاب بيشغل الاول لما ينجح في مجال يقوم يدخل الجامعة بتاعته عشان يحترف فيه. الدنيا ماشية بالطريقة ديت. القرآن اللي اعرض نفسك على القرآن. القرآن هو ربنا بيقول امنوا وعملوا الصالحات. وربنا بيقول قم الليل الا قليلا. وربنا بيقول

قم فانذر. وربنا بيقول اقرأ باسم ربك - [00:22:38](#)

هتجيب عينين من القرآن الشغل الدنيوي. انتم هتألفوا ولا ايه! هتجيبوا الشغل الدنيوي من القرآن للقرآن كله بيقول الصلاة والصوم والسجود. والله طب خد عشر ايات دول. عد معي واحد فاذا قضيت الصلاة فانتشروا في الارض. وابتغوا من فضل الله - [00:22:58](#)

انت شو في الارض؟ قوات الانتشار اللي بتضوق تطوق البلد في عشر دقائق. انتشروا كل واحد يروح السفرة الدنيوية بتاعه. احنا احنا الدين الوحيد اللي يوم العبادة بتاعه مش مرتبط بالاجازة. مين اللي قال ان يوم الجمعة اجازة؟ انتم عارفين النبي عليه الصلاة

والسلام عمل غسل الجمعة ليه؟ عشان الصحابة كانوا حرفيين. حرفيين. فكانوا - [00:23:18](#)

بالنهار يوم الجمعة يبجوا المسجد عرقانين. فالنبي سن غسل الجمعة عشان ما يجوش عرقانين المسجد. يوم الجمعة عندنا مش كده يا جماعة. مش فاذا قضيت الصلاة فروحوا هاتوا السمك المشوي وروحوا كلوه وناموا لحد المغرب. فانتشروا في الارض. اتنين واصنع

الفلك باعيننا ووحينا. اصنع الفلك. يا رب كنت - [00:23:38](#)

نزل له جبريل بسفينة. ده ربنا في اثار خلاه يزرع الشجر. وبعد كده ينحتوا ويعملوا سفينة. ويبنو السفينة. ليه؟ اشتغل. اشتغل طب دي مهنة دنيوية يا رب ما لهاش دعوة بالصوم والصلاة. كنت خلي سيدنا نوح يصوم ويصلي وجبريل ينزل له السفينة. اصنع الفلك.

ثلاثة انعمل سابغات - [00:23:58](#)

وقدر في السرب. ربنا بيوصف القرآن لسيدنا داود طريقة عمل الدروع. سيدنا داود كان ملك. نبي ملك. ان نبي الله داود كان يأكل من عمل يده بياكل من عمل ايده. ده نبي وملك ومجاهد ومؤسس امبراطورية بني اسرائيل. في فلسطين وهو عنده واحد وتلاتين سنة

وشغال. وبيشغل - [00:24:18](#)

وبياكل من عمل ايده الاية دي فيها شيء رهيب يا جماعة. شوفوا ركزوا معي كده هتشوفوا في الاية دي حاجة جميلة اوي. ربنا بيقول لداود انعمل سابغات. اعمل يعني اشتغل في الدنيا. شغل دنيوي - [00:24:38](#)

ان اعمل سابغات وقدر في السرد واعملوا صالحا. اعملوا صالحا ده العمل الاخروي. الاية ذكر فيها لفز العمل مرتين. الاتنين بصيغة الامر مر على العمل الدنيوي ومرة على العمل الاخروي ده الدين. هو ده الاسلام بتاعنا. اربعة اتوني زبر الحديد. حتى اذا ساوى بين -

[00:24:50](#)

صدين كلاما قال انفخوا قالوا له ابن لنا سد وخذ فلوس. قال لهم انتم تنابلة! انا مش هديكم سمك انا هعلمكم ازاى تصطادوا! تعالوا اشتغلوا وشغلهم في الدنيا وحلهم مشاكلهم بشغلهم في الدنيا. من عمل ايديهم. يروى ان النبي عليه الصلاة والسلام لما شاف سعد بن

معاذ بيسلم عليه. فوجد يديه قد انجلتا - [00:25:10](#)

ايدين سعد بن معاذ نشفة تخينة. فقال ما هذا يا سعد؟ فقال اعمل بالمسحاح اطعم اولادي من نخيلي يا رسول الله عليه الصلاة والسلام قال النبي صلى الله عليه وسلم هذان كفان يحبهما الله. هذان كفان يحبهما الله شغل. النبي عليه الصلاة والسلام معدي لها

عبدالله بن - [00:25:30](#)

جبير اه عبدالله بن جعفر عبدالله بن جعفر ده طفل ابوه اتقتل في غزوة مودة طفل صغير. فالاب السوق بببيع وبيشترى. فقال اللهم بارك له في النبي ببشجع طفل عشان لما اقول لكم اعدادي يشتغلوا في الاجازة ما تقوليش لأ. ببشجع الطفل ومش بيقول اللهم بارك

ايه في صفقته. يعني كأن النبي عليه - [00:25:50](#)

كان بيقول له انت راجل اعمال اصل كلمة الصفقات تبني مع رجال الاعمال. وهو لسة طفل صغير بببيع ايه يعني! كأن ده ببشجعه! كأن ده ببسخنه! انت بكرة هتكبر! وقت - [00:26:10](#)

ده راجل اعمال كبير النبي عليه الصلاة والسلام اتوني زبر الحديد. خمسة اموالكم التي جعل الله لكم قياما. ايه! ربنا بيقول لك الفلوس عمود فقري. قياما دي ما جتش في القرآن غير مرتين. مع الفلوس اموالكم التي - [00:26:20](#)

جعل الله لكم قياما قياما يعني عمود فقري. والثانية مع الكعبة جعل الله الكعبة البيت الحرام قياما. ليه؟ لان من غير الكعبة الدين ينهار ومن غير الفلوس الدنيا تنهار. ايه يا جماعة الواقعية دي! ايه يا اخوانا ده! ستة واخرون يضربون في الارض يبتغون من فضل الله واخرون - [00:26:37](#)

يعني ربنا بيقول من اعذار اه قلة قيام الليل الناس اللي بتشتغل في الدنيا. وجابهم قبل اللي ببجاهدوا في سبيل الله. لانك مش هتعرف تنطلق في الدين والجهاد لو عندك شذوذ ونقص في دنيتك. صلح النقص اللي في دنيتك تبقى من اهل استرضاء الله لو انت نيتك حسنة. سبعة - [00:26:57](#)

يعملون في البحر فاردت ان اعيبها. مساكين واما السفينة فكانت لمساكين يعملون في البحر. لما اشتغلوا عشان يسعوا على رزقهم ربنا بعث لهم الخبر يحل لهم مشكلتهم. يعني اهل الكرامة على الله. وهم بيشتغلوا - [00:27:17](#)

تمانية تمانية على ان تأجرني ثمانى حجج. سيدنا موسى اشتغل اجير عشر سنين عشان يدفع مهر اشتغل يا ابني عبدالرحمن ابن عوف ما تجوزش غير بعد ما اشتغل بعد الهجرة. اشتغل وكسب فلوس هتدخل لابو بنت. تقول له انت بتشتري راجل يا عمي! فين - [00:27:34](#)

شغلك فين ايديك اللي امجلت فين الكفين اللي يحبهم الله فين كفاحك وصمودك فين ثمرتك انت؟ انت عارف لو واحد جوزك بنته قبل ما تشتغل والله ده بيضيعك. آآ انا اعرف ناس اشتغل آآ اتجوزوا من يعني حماهم وافق عليهم من غير شغل. ضاعت حياتهم كلها - [00:27:54](#)

لان الجواز ده دافع ان الانسان يشتغل ويكافح. لو الانسان ما اتغيرش وبقي انسان جد عشان يتجوز. خلاص ما عدش فيه دافع. تسعة واجعلنا طهارة معاشا. هو ده وزيفة النهار. الناس تشتغل وتسعى على معيشها واستعمركم فيها. يعني طلب انكم تعمروا الارض. عشرة - [00:28:14](#)

امشوا في مناكبها وكلوا من رزقه. امشوا كلوا فعل امر. فين بقى الكلام ده؟ انا بقول لك هو ده كلام ربنا يا اخوانا. كلام النبي عليه الصلاة والسلام اذا قامت القيامة - [00:28:34](#)

هعمل ايه يا رسول الله؟ وفي يد احدكم فسيلة. انت بتزرع في الغيط ومعك اسئلة فان استطعت الا تقوم الا وقد غرستها فليغرسها الله اكبر ده دينا. قال رسول الله صلى الله عليه وسلم ما من مسلم يغرس غرسا او يزرع زراعا فيأكل منه انسان او بهيمة او طير - [00:28:44](#)

الا كانت له صدقة. ايه يا اخوانا ده سلمان الفارسي يشتغل خواص وهو امير. يقول لك اكل من عمل ايدج. اكل من عمل ايد. قضية خطيرة جدا. قضية كبيرة جدا - [00:29:04](#)

لازم نفهمها. النبي عليه الصلاة والسلام يقول اليد العليا خير من اليد السفلى. اليد العليا لازم تبقى ايد عليا. اللي بتدي مش اللي بتاخذ. مش اللي قاعد ياخذ من ابوه في اعدادي وسانوي - [00:29:14](#)

مصرف عيب يا ابني. اشتغل في الاجازة واصرف على دراستك من نفسك. عشان تبقى راجل. عشان تبقى بني ادم عشان كده يا اخوانا وانا بكمكم في نقطة الشغل النقطة الخطيرة بتاعة الشغل. انا عايز اقول لك الوقتي بعد ما - [00:29:24](#)

كل اللي فات ده كنت عايز اقول لك غير صورتك الذهنية عن الشغل. غير الصورة الذهنية. الشغل مش عيب. صاحبي جاي للنبي عليه الصلاة والسلام. يا رسول الله ما عيبش فلوس. قال له - [00:29:54](#)

مازا في بيتك؟ قال له جلس وقعب سجادة كوز بناكله نشرب فيه مائة وسجادة بنام عليها. قال له ائتني بهما اقتلي جابهم. من يشتري هذا؟ صاحبي قال لي اشترؤهم بدرهم يا رسول الله. ما لهمش قيمة. بس الصحابة ببساعدوهم ساعة ضمنية. دراهم. من يشتري

بازيد؟ واحد قال له درهمين - [00:30:04](#)

هات خد قال له خد الدرهمين رح بدرهم اكل اهلك. ورح بدرهم اشترى قادم واتني به. جاب القادم فشد رسول الله صلى الله عليه وسلم فيه عودا بيده. النبي بيساعده في صناعة الفاس اللي هيروح يحتطب به. اذهب فاحتطب. ولا تأتني قبل خمسة عشر يوما. ما تجيلش قبل خمستاشر يوم - [00:30:24](#)

الراجل جه معه فلوس ومعه اكل وكسب هو ده يا اخواننا. النبي عليه الصلاة والسلام بيقول لك اشتغل الشغل مش عيب. الشغل ليس عيبا تبقى غير الصورة الزهنية اللي عندك عن الشغل. الشغل شرف. الحاجة الثانية اعرف سمار الشغل ايه. اعرفوا يا جماعة الشغل ثماره ايه. اول حاجة سواب الشغل. يعني - [00:30:44](#)

بسبب الشغل. مش سواب قيام الليل وسواب الصلاة والصيام. سواب الشغل. ايه سواب الشغل ده؟ هو الشغل الديوي له سواب؟ قال رسول الله صلى الله عليه وسلم ان خرج ان كان خرج يسعى على عيال صغار له فهو في سبيل الله. سبيل الله يعني جهاد. وان كان خرج يسعى على ابوين شيخين كبيرين - [00:31:04](#)

فهو في سبيل الله. وان كان خرج يسعى على نفسه يعفها. بيدور على الجواز فهو في سبيل الله. مجاهد مين الوحيد اللي رفع العمل الديوي لمرتبة الجهاد والاسلام ليه؟ لان لو سبنا الدنيا للعصاة هيضيعوها وهم بيمنوها ويملوها معاصي زي الوقت كده - [00:31:24](#) لو كان ملتزمين هم اللي بنوا الساحل الشمالي. لو كان ملتزمين هم اللي بنوا شرم الشيخ ومارينا وجولف. لو كان ملتزمين هم اللي بنوا المولات الكبرى بتاعة القاهرة وبتاعة دبي كانت بقت مليانة معاصي كده كانت بقت مليانة فساد كده سبناها للعصاة. ضيعونا بعد كده عشان كده ده جهاد. في سبيل الله. في - [00:31:44](#)

الادب المفرد للبخاري اثر عن عبدالله بن عمرو بن العاص اثر خطير في مصر بيكلم واحد مصري والحديس حسن. حديس حسن. فيقول له ايعمل عمالك؟ بيكلم واحد غني عنده زي شركة او مصنع فيقول له هو اللي شغالين معك مش شغالين يعني دلوقتي؟ قال له لا اعلم - [00:32:04](#)

اصل انا مش شغال معهم. انا سبت لهم خلاص الشركة بقى يشتغلوا فيها وانا راجل باشا. خلاص متفرغ انا بقى لديني ولأُموري ولحياتي. فقال اذا احذكم مع عماله في ماله. بيقول لهم لو واحد منكم غني عنده شركة او مصنع او محل. وفضل بعد ما اغتنى يشتغل - [00:32:21](#)

بايديه مع العمال. يشتغل بايديه مع الاجراء في الارض. يشتغل بايديه مع العمال في المصنع. فانما هو منه عمال الله ايه؟ عبدالله بن عمرو بن العاص في صحيح الادب المفرد للبخاري. في الادب المفرد للبخاري. بيقول اللي بيشتغل بايديه بعد ما يختنى فانما هو - [00:32:41](#)

ومن عمال الله ايه يا اخوانا ده! ايه الكلام العظيم ده! النبي عليه الصلاة والسلام يقول للصحابه لان يخرج احذكم بحبله ياخذ فيأتي بحزمة حطب على ظهره. النبي بيوصف المنزر. يعني النقط المهينة. يعني النقط اللي الناس مش عايزاه. جاي بقى شاييل - [00:33:01](#) الحطب حزمة الحطب قدام الناس على ظهري. فيبيعهها. يقف قدام الناس يبيعهها كده فيكف الله بها وجهه. ما عدش حد يكسفه. ما عدش واحد حد يقول له يا ابني ما عندناش بنات للجواز. ما عدش حد يطرده. خير له. خير. خير له من ان يسأل الناس. خير. يا رسول الله ده تهزيق وقلة قيمة - [00:33:21](#)

كل الناس الهاي ستاندرد مش هيرضوا يجوزوه بناتهم خير له. ده كله خير. بس احنا نغير فكرنا. يبقى اذا يا اخواننا اول حاجة سواب الشغل. الشغل جهاد في سبيل الله. الشغل انت بتبقى من عمال الله. لو انت فعلا ربنا اغناك وفضلت تشتغل. الشغل ده سواب كبير جدا. البطالة دي ام الجرائم - [00:33:41](#)

مصيبة انا كل الجولات اللي بنزلها تقريبا. الشباب بيصوت من الفراغ. طب يا ابني ما تنزل تشتغل لما انت ما وراكش حاجة. الفراغ عشان كده الشباب اللي انا بدأت به اللي قتل جارتة بعد ما اتفرج على كليب ده فراغ يا جماعة. ده فراغ - [00:34:01](#) سيدنا عمر ابن الخطاب ابو محجن الثقفي قعد يشرب خمر. يشرب خمر. بعته في القادسية مع سعد ابن ابي وقاص. تاب امتي؟ اما شغله بحاجة. عشان كده احد الولاة بعث لعمر بن الخطاب قال له الشباب عندنا ما بيشتغلوش. قال ما فيش شغل فيه بطالة. قال له

اجعلهم يحفرون نهرا ثم يردموه - 00:34:16

وظف طاقتهم. عشان كده العلماء قالوا سبب فتنة مقتل سيدنا عثمان. ان الجهاد وقف لمدة كذا سنة فالناس فضت. فما عدش فيه شغل. فلما الناس حصلت هذه الفتنة العمياء الفراغ صعب. يا جماعة من الاحاديس اللي بتذهل الواحد. النبي عليه الصلاة والسلام لما راح المدينة فالانصار راحوا له قالوا له يا رسول الله - 00:34:36

نقسم النخيل بيننا وبين اخواننا المهاجرين. يا رسول الله احنا هنقسم ملكية اراضي المدينة بينا وبين المهاجرين. النبي عليه الصلاة والسلام قال لهم ايه؟ قال لا ابدا لأيه؟ قالوا له طب يا رسول الله فضل لحد ما قالوا له يا رسول الله يشتغلوا اجراء في الارض يشيلوا لنا الارض وفي الاخر نقسم الربح بالنص بينا وبينهم. النبي عليه الصلاة والسلام - 00:34:56

قلت له ماشي. خلاص. انما انتم باسم الكفالة طالب علم ولا لم يزهر نبوغه ولا واحد اشتغل في الدعوة لم يصدر نبوغه. هنكفله هنكفله قولوا ان شاء الله هينام بعد الفجر يصحى العصر. وان شاء الله بازن الله مش هيبزل عشر المجهود. اللي كان بيبزله لأ ينزل يشتغل. ويكسب من عمل اليه. وايديه دي تبقى - 00:35:16

التقديم طاهرة. وزي ما النبي عليه الصلاة والسلام قال اطيب الكسب ما كان من عمل اليد. اطيب الكسب. اطيب جنبه ربنا يبارك لك في صحتك لما تاكل منه. ويبارك لك في - 00:35:36

صحة ولادك لما يدخل جسمهم اللي انت عرقت فيه. اللي انت جه من كسب ايدك. هو ده اطيب الكسب. يبقى قضية خطيرة جدا يا اخواننا قضية ان الفراغ دي بتضيع. اللي اتعلم من النبي مبن عبدالرحمن بن عوف؟ جه سعد بن الربيع اول ما هاجر عبدالرحمن بن عوف ما عهوش فلوس خالص. قال له بص بقى انا اغنى واحد في المدينة - 00:35:46

هاقسم المال بيني وبينك ده حنة صفقة. ده خبطة عمر للشاب اللي اسمه عبدالرحمن ابن عوف. قال له انا متجوز اتنين اكرتر واغنى واحد. يقينا متجوز اتنين زي القمر يعني - 00:36:06

يعني يقينا واحد مليونير هيبقى متجوز عروستين جميلين جدا. غالبا يعني طبعا ده رزق ونصيب يعني. مش عايزين حد يضحك اسجد نظيف فقال له شف اجمل واحدة فيهم اطلقها لك يا نهار ابيض! عروسة زي القمر! وابقى مليونير في لحظة! قال له لا -

00:36:16

ولكن دلوني على سوق المدينة. راح اشتغل وكسب. شوية والنبي لقاه رجع عليه بشاشة كده. يعني باشا كده بقى ولبس جميل ومصرح وحاجة كده بقى ايه بيلمع كده. النبي عليه الصلاة والسلام بيسأله في ايه؟ فقال تزوجت يا رسول الله على نواة من ذهب -

00:36:36

اديتها ذهب المهر بتاعها. اشتغل. اشتغل وحل مشكلته. مش راح يقف على بيوت الناس جوزني بنتك يا عمي. طب اجوزك بنتي بايه؟ طب بنتي دي لما هتيجي معك؟ يعني يا ابني ما يعني هو الدنيا مش كده يا ابني. يعني القضية يا جماعة ان سبحان الله العظيم لازم لازم تفكر. انت لازم تغير تفكيرك - 00:36:56

لازم تغير تفكيرك لان الفراغ مدمر. الفراغ مدمر. عشان كده الاسلام حث على التجارة. حث على التجارة حث عظيم. انتم متخيلين التجارة يعني انا متخيل كده لما عبدالرحمن بن عوف بيقول دلوني على سوق المدينة. كلمة الزم السوق. لو انت سمعت واحد بيقول واحد الزم السوق. ده بالتاكيد - 00:37:16

الدنيوي جدا. انت عارف الزم السوق دي انا لقيتها نصيحة مين لمين؟ واحد دا صحة الامام احمد ابن حنبل لواحد من من الناس يعني المستريحة ماديا. اتنين نفس النص نصيحة ابو قلابه من اصحاب النبي رضي الله عنه. لايوب السخثياني من اكبر علماء الامة. واكبر من صار على نهج السلف. والله حسيبه - 00:37:36

الزم السوق عشان تاكل حلال. وعشان تقدر تخدم دينك وتخدم دعوتك عبدالرحمن بن عوف. خدم الدين قد ايه؟ عشان كده النبي عليه الصلاة والسلام لما سافر المدينة حديس في المعجز - 00:37:56

الاكبر للطبراني. وان كان الالباني يعني ذكر ان فيه ضعف للامانة العلمية. الحديس ان النبي عليه الصلاة والسلام لما راح المدينة بنى

سوق جديدة. ليه ؟ يعني النبي لما راح المدينة - 00:38:06

ده عمل حاجتين بنى مسجد وبنى سوق. بنى مسجد للعبادة والصلاة وبنى سوق للتجارة. والقوة المادية. اخوانا ده الدين. الدين مش دروشة التجار نشروا الدعوة في الارض في تاريخ الاسلام اكتر ما الدعاة نشروا الدعوة في الارض. سيدنا ابو بكر الصديق النبي عليه الصلاة والسلام بيقول ما نفعتني مال ما نفعتني مال ابو بكر - 00:38:16

عثمان ابن عفان انهى سيطرة اليهود على الماء في المدينة واشترى بئر روما. العشرة المبشرين بالجنة معظمهم كانوا رجال اعمال. ورؤى ان ابو بكر الصديق كان بيسافر في تجارة وسافر الى بشرى في حياة النبي عليه الصلاة والسلام. عايزين نقول ايه ؟ عايزين نقول ان الدين مش اللي انتم فاهمينه يا شباب. انا الكلام اللي انا باقوله ده نفسي اديه خطاب جمعة - 00:38:36

والله يا اخواني انا قبل ما اجي ناوي ان انا انزل على القهاوي اكلم الشباب فيه. يا اخوانا الدين بيقول لك خد بالاسباب. سيدة مريم بتموت بعد الولادة ربنا بيقول لها هزي اليك بجزع - 00:38:56

مش قادرة ومين قال لك ان انا هاديكي على قدرتك بس اشتغلي. وانا رايح العمرة اللي فاتت فانا رايح بقى رايح جاي لك يا رب. ويعني مش مرتب اسباب فحصل لي بعض موقف كده صعبة فافتكرت قول الله وتزودوا قلت يا رب اكتر رحلة الواحد جاي لك انت فيها وسايب الدنيا بتقول له وتزودوا ده الدين يا جماعة - 00:39:06

لو مصر لعبت اسرائيل ماتش كورة. مصر المسلمين ناموا واليهود قعدوا يستعدوا ليل نهار. اللي هيكسب اليهود. ربنا قال على الارض سواء للسائلين. يعني الفلاح الكافر لو عزق في الارض مش هتقول له لا انت كافر. والمسلم تقول له انت مسلم انا هاطلع لك سواء للسائلين اللي عايز يتقدم وينهض الارض بتتعامل - 00:39:26

على الناس سواء مسلم وكافر. هي كده ربنا مطر على سيدنا ايوب السما دهب بعد ما قال له ارقد برجلك عشان يروق. طب يا رب الاول كنت اروق من غير اسباب لا انا اقدر امطر عليكم السما دهب يا شباب. الله قادر ولكن الاول ارقدوا برجلكم. ولكن الاول انزل في ارض الواقع - 00:39:47

الحياة مش هتفتح لكم احضانها. كده من غير تمن ومن غير ومن غير كفاح. يبقى عشان كده زو القرنين اتبع سببا. ثم اتبع سببا لازم الاخز اسباب هو ده دين ربنا يبقى النقطة اللي فاتت دي كلها كنا بنتكلم في العلاج الاول في الروشة السباعية كده احنا فات كده ايه خمس دقائق او عشر دقائق يبقى العلاج - 00:40:07

التاج الاول في الخطة السباعية وهو ايه دور على رزقك من بدري. انزل من بدري. انزل ابدأوا اشتغلوا في الاجازات في اعدادي سانوي وجامعة الاجازة مش عشان مارينا والساحل الشمالي. الاجازة عشان الشغل. طيب العلاج الثاني العلاج الثاني في الروشة السحرية الروشة السباعية. العلاج - 00:40:27

الثاني يا جماعة طاعة الله طاعة الله اه ده بقى لازم يحط حطة وعظية بقى ما هو برضه ايه يعني هو هو راجل متدين بقى ان شاء الله راجل بيكلمنا في الدين قعد يكلمنا عن الشغل كثير. مش هينفع يقوم جاي في الاخر كده بقى ويقوم قايل لنا ايه ويقوم قايل لنا الشغل من غير ما يتكلم في الدين لازم حطة دين. والله يا اخوانا ما هي الموضوع كده - 00:40:47

اقسم برب العزة الدين له تأسيس جبار في الدنيا. يا اخوانا احنا المفروض بنرزق بالدعاء والبكاء. يا جماعة الانسان الملتزم ده لو حط ايده في الصحراء تخضر. عبدالرحمن ابن عوف رايح المدينة ما عهوش مليم. بيقول لما تاجر وهو على طاعة الله بيقول - 00:41:07

ضمنت اني لو رفعت حجرا لوجدت تحته ذهب. يعني ربنا فتح عليه اوي في الدنيا. ربنا فتح عليه قوي. عبدالرحمن بن عوف رضي الله عنه لما السيدة عائشة قالت له ان الاغنياء بيدخلوا الجنة بعد الفقراء زعل. قال لها وماذا افعل يا ام المؤمنين؟ اذا كنت انفق مائة فيخلف الله علي الفا. مش عارف افتقر - 00:41:27

يا اخوانا الانسان اللي مع ربنا ده لما بيقف يتوضأ ويصلي ويعيط لربنا. ربنا بيغير له كل حاجة في الدنيا. انا انا اقسم بالله ان لو دخل الدين في حياتك. ان لو دخل النص ساعة اللي قبل الفجر في حياتك. قيام الليل. ان لو دخل الدعاء والبكاء والدعاء - 00:41:48

الى الله بطلب الرزق في حياتك. وانت مطيع لله وملتزم ربنا هيغير لك كل حاجة في حياتك. دخول ربنا في حياتك. اعظم من دخول

مليار دولار طرف حياتك. اسمع معي كده بقلبك. ومن يتق الله. واحد يجعل له مخرجا. ما فيش شغل. ما فيش وظائف. البلد مقفلة -

[00:42:08](#)

سولار مولع. الجنيه المصري بقى سعره زيه سعر ورق الجرايد. الدنيا ضايعة. يجعل له مخرجا. ما فيش وظائف اجعل له مخرجا. ما حدش راضي يجوز شاب بنته وما معناش فلوس يجعل له مخرجا. ما فيش جواز يجعل له مخرجا. اتنين - [00:42:28](#)
ويرزقه من حيث لا يحتسب. طب اجيب منين؟ طب ازاي؟ طب من حيس لا يحتسب ثلاثة ومن يتوكل على الله فهو حسبه فهو مش قريبك اللوا ولا قريبك لو ابوك كان طلع رئيس مجلس ادارة شركة كبيرة كان زمانك باشا. فهو حسبه ربنا بنفسه هو اللي هيبقى -

[00:42:48](#)

في الحياة. اربعة ان الله بالغ امره. انت لك احلام كثير مش عارف توصل لها. ولكن ربنا بالغ امره. ربنا يقدر يبلغها لك يأتي بها الله. ربنا يقدر يجيب لك احلامك كلها. خمسة قد جعل الله لكل شيء قدرا. اوعى تفتكر ان اسباب الدنيا ووظائف - [00:43:08](#)
دنيا ووصاية الدنيا وشهادات الدنيا اسباب. دي اسباب الارض انما اسباب السماء وقدرة الله اعظم مليار مرة وازيد من اسباب خمس حاجات ربنا بيقول للشباب اللي هيتقي ربنا للبنات اللي هتتقي ربنا خمس وعود من الله. مين مصدق ربنا يا اخوانا؟ قال رسول الله -

[00:43:28](#)

صلى الله عليه وسلم. ثلاثة حق على الله عونهم. حق على الله عونهم. منهم. المتزوج يريد العفاف او الناكح. يريد العفاف ربنا يعينك. بس قم اشتغل. ربنا هيعينك بس قم. يبقى الدواء الثاني طاعة الله. الدواء الثالث في الروشته السباعية - [00:43:48](#)
احذر من مدمرات المستقبل. احذر من الحلول المدمرة. تتقفل. تلاقي الدنيا ضاقت في وشك. طب اكل منين؟ طب اشرب ساعات الشباب يا بيقعد يفكر لحد ما يحس ان الدنيا اتقفلت في وشه. ممكن الشاب ما يعرفش ينال غير بمهدئات. طب وهتشتغل ازاي؟ طب اتجوز ازاي؟ طب انا هفضل قاعد على القهوة لحد امتي؟ الحل - [00:44:08](#)

واحد تلت يفت محطوطين قدامك كل يافطة عليها عضمتين وجمجمة. احذر انك تدخل في التلات طرق دول. احذر من الحلول المدمرة لما تحس بازمة الرزق في الواقع و هتجوز ازاي؟ و هتشتغل ازاي؟ العلامة الاولى العضمتين والجمجمة احذر من المال الحرام. احذر آ واحدة - [00:44:28](#)

اخت كانت يعني واحدة اه كانت اتيليه بقى وفساتين عارية اتصلت بنا. حرام ولا حلال؟ قلنا لها يعني الشغلة ديت لان البنات بتاخذها عاري تلبس لبس عاري قدام الشباب. سابته بقى لها خمس سنين ما انجبتش. رزقت الانجاب بعدها على طول بفضل ومنة الله. سبحانه وتعالى. يا اخوانا الله قادر - [00:44:48](#)

ممكن المال الحرام ده هو سبب منع الرزق. مش هو سبب الرزق اصلا. المال الحرام ده سبب منع اجابة الدعاء. ومطعمه حرام ومشربه حرام. وغذي بالحرام فاني يستجاب له؟ اطب يا سعد اطب مطعمك تكن مستجاب الدعاء. المال الحرام ده سبب لمنع قبول الصلاة. ابن عباس رضي الله عنه يقول - [00:45:08](#)

ما ان الله لا يقبل صلاة وفي الجوف حرام حتى يتوب الى الله عز وجل. منع لقبول الدعاء منع لقبول الصلاة منع لقبول العمل كله. يا ايها الرسل اعملوا يا ايها الرسل كلوا من الطيبات. اتنين واعملوا صالحا. الاول مال حرام. الطاقة اللي - [00:45:28](#)
تنبعس من جسمك تعبد بها ربنا لازم تكون من مال حلال الاول عشان ربنا يقبله يا اخوانا من الاحاديث المرعبة. حديث لما واحد من الناس اللي كانت مع النبي عليه الصلاة والسلام اتقتل في معركة في الصحابة قالوا هنيئا له الشهادة. هنيئا له الجنة. قال النبي صلى الله عليه وسلم كلا - [00:45:48](#)

ان الشملة التي غلها سرق سرق حنة قماشه كده من الغنايم. حنة مال حرام. لتلتهب عليه في قبره نارا مولع عليه بسبب المال الحرام. الحرمان من دخول الجنة بسبب المال الحرام. قال رسول الله صلى الله عليه وسلم لا يدخل الجنة جسد غذي بالحرام - [00:46:04](#)
قضية خطيرة جدا يا اخوانا. قضية ان الشاب عايز يهرب من ضيق الدنيا يوقع نفسه في ضيق الاخرة. يا ابني ده الحجر بيسقط في جهنم بياخد سبعين سنة. اما يوصل في - [00:46:24](#)

حجر واحد عارف يعني ايه سبعين سنة؟ عارف يعني ايه عمقها سبعين سنة؟ يعني واحد اتولد وكبر ودخل اعدادي وسانوي وجامعة واتخرج واتجوز وخلف وكبر وبقي راجل عجوز وولاده اتجوزوا وخلفوا وكبروا ودخلوا جامعة ومات. سبعين سنة. ده الحجر ما وصلش لقاع جهنم. يعني الحرب العالمية الاولى والثانية وثمانية واربعين وستة - [00:46:34](#)

وخمسين وسبعة وستين واحنا على مشارف ثلاثة وسبعين مات. الحجر ما يوصل سبعين سنة. يبقى ما تفرش من ضيق الدنيا لضيق الدنيا والاخرة. اتق ربنا واحد صاحبي بيقول لي كان له قريبه بيسلف بالربا. قال لي بعد ما مات جا لي في الرؤية بيصرخ بيقول انقزوني من العذاب اللي انا فيه - [00:46:54](#)

انقزوني هينقزوك هيعملوا لك ايه؟ ما انت اللي كنت بتتعامل بالربا والعياذ بالله. يبقى اذا احذر من المال الحرام. العلامة الجمجمة الثانية العضميتين الجمجمة الثانية احذر من فكر هكونا مطاطا. ايه هاكونا مطاطا ده اضربها طبنجة. احذر من فكر طنش تعش تنتعش - [00:47:14](#)

احذر من فكر بلا جواز بلا هم. لا. انت كده بتنسحب من لعبة الحياة. انت كده بتهرب. اوعى تفتكر بقى ان انت الشاب المهيس بقى اللي قاعد على يا عم بنات ايه طز في البنات! يا عم بلا جواز بلا قرف! يا عمي ان شاء الله رزقك جاي لك جاي لك. انت فاكر ان انت كده الواد الكل بقى اللي مش هامه - [00:47:34](#)

والواد بقى اللي نفسيته عالية واكبر من ان الحياة تأسر فيه. انت كده بتهرب من مواجهة مشاكلك. انزل في ارض الواقع وواجه مشاكلك. فكر طنش تنتعش ده ده له مكانه. شل البلف ده له مكانه. بيبقى حلو مع اللي بيشتغل بقى بعد ما يشتغل نقول له شل البلف. انما يشيل البلف وهو صفر في الحياة ما ينفعش - [00:47:54](#)

الجمجمة الثالثة والعضميتين التاليتين قدام فكرة عقد عمل ياا خمسين الف جنيه بسرعة التأشيرة بخمستاشر الف ريال يسافر الكفيل يقول له ما اعرفهاش يقعد هناك انا في شباب هناك قاعدين يكلموا البنات على الفيس دلوقتي في السعودية. ليه؟ لانه راح ما لقاش شغل اصلا. يبقى قبل ما نسافر يا اخوانا عقود العمل دي حل - [00:48:14](#)

مسلا اتنين في المية من الشباب بس. ثمانية وتسعين في المية من اللي بيسافروا ده مش حل له. ليه؟ اول حاجة هتسافر تعمل ايه؟ ثاني حاجة لازم تسأل نفسك سؤال قبل ما تسافر - [00:48:34](#)

اوعى تسافر. انت الوقتي اجلا او عاجلا هيطردوك من بلدهم. هم بيمصوا شبابك ويسيبوك. مش مش وفاء وبرأ يعني هيسيبوك راجل كبير عجوز هناك. وانت عندك اربعين خمسة واربعين سنة يقول لك بالسلامة. ده ده الاصل الكاسح هترجع تعمل ايه؟ هتقف في محل بتمنية جنيه ولا كان الوقتي وانت شاب - [00:48:44](#)

صغير تقف عشان لما يبقى عندك اربعين سنة تبقى لك دخل بحق وحقيقي. يبقى فوق. فوق واحسبها. صح احذر من الحلول المدمرة الدواء الرابع في الروشته وده يا اخوانا اخطر نقطة. اخطر نقطة جديدة في هذه الروشته - [00:49:04](#)

اقبل المرحلة الانتقالية. يعني ايه اقبل المرحلة الانتقالية؟ اهي دي بقى دي اخطر نقطة عملية في الكلام. ليه؟ لان الشاب هيقول لي بص انا حقي ان انا اطلب ثلاث حاجات في في الشغل بتاعي. انا عايز شغل آآ يكون مريح ويكون حلال طبعا لان انا راجل متدين برضو. ويكون آآ باحبه ومحترم - [00:49:22](#)

جميل. ولكن انا عايز اقول لك حاجة. الكلام ده مستحيل تلاقيه وانت الوقتي متخرج. ليه؟ الكلام ده يعني انا يعني فيه واحد اعرفه حبيبي بيقول لي انا وصلت للمعادلة دي - [00:49:42](#)

بعد عشرين سنة اشتغل خمسة وعشرين شغلانة على ما وصل للمعادلة دي. يبقى مش سهلة. طب الحل ايه؟ الحل انك تقبل المتاح قدامك. يا دي المصيبة. لا حمايا هيرضى يجوزني - [00:49:52](#)

لو قلت لي انا بشتغل اي شغلانة. ولا امي وابويا هيسيبوني. ولا اصحابي هيرحموني من التريقة. طب بس استنى بس. هقول لك بس حاجة يا حبيبي. شباب مصر وشباب الامة كلها ثلاث انواع - [00:50:02](#)

الفقير اللي داق الفقر اوي. فمستعد يشتغل اي حرفة. حتى لو هيشغل يسوق عربية حرف شريفة عزيمة. احنا جنبنا حرف الانبياء

دلوقتي بيكسب ست سبع تمن تلاف جنيه في الشهر وباشر. وعایش. بفضل الله وبيتجوز بدري وكل حاجة. وشباب الطبقة الغنية اللي ابوه اصلا عاين له وظيفة في اكبر شركة - [00:50:12](#)

عنده وسايط ومتعلم تعليم امريكاني والشركات كلها عايزاه اصلا. ما عندوش مشكلة. المصيبة فين؟ تمانين في المية من الشعب شباب الطبقة المتوسطة. اللي لا راضي يشتغل بتاعة الفقير ولا عنده امكانيات انه يتعين في الشركات الكبيرة بتاعة الاغنيا. ده بقى اللي بيوقع في المصيبة ويقع في انت بتشتري راجل الازمة النفسية - [00:50:32](#)

بتاعة الاحباط بتاعة النهاردة. يا اما بيروح يقعد على القهوة محبط الناس فاكراه بيهيس وهو محبط. محطم يا اما بيسافر يهرب لعقد عمل اي حاجة بقى وخلاص المهم بس ما ييقاش مفضوح قدام الناس كده. يا ابني بس اصبر بس احسبها صح. يا اما يروح يدفع رشوة عشان يشتغل اي تبع الحكومة اي شغلانة رسمية سابتة. يا اما يروح - [00:50:52](#)

دي شغلانة حرام يفتح مشروع دي جي يفتح كافييه اي حاجة يجيب منها فلوس وخلاص. ما ينفعش يا اخوانا يبقى ده طريقة تفكيرنا. ما ينفعش اقبل المرحلة الانتقالية. يعني ايه - [00:51:12](#)

يعني الوقتي انا نازل السوق لقيت محل صغير اقبله. هيجي بعد كده الماركت الكبير يتفتح قدامي. حط رجلك في ارض الواقع. انزل في ارض الواقع اقبل الشغل عشان كده عارفين ليه بقى باقول لكم اشتغلوا بدري في سانوي وجامعة عشان في سانوي وجامعة انا كان لي واحد صاحبي دكتور في كلية طب دلوقتي في قسم القلب الوقتي كان بيشتغل نقال - [00:51:22](#)

واحنا طلبة. وراجل غني ولكن كان ابوه راجل عاقل وهو كان عاقل. وكان بيشتغل عشان يكتسب خبرات الحياة. ما حدش قال له عيب. ليه؟ طالب. انما لما يبقى عندك ثلاثين - [00:51:42](#)

لو مسلا وتيجي بقى ايه يعني ما انتاش عارف لا فيه ناس ممكن تزعل منك. عشان كده باقول لكم من بدري يا شباب. من بدري فيه ثلاث اربع سنين كده غلسين في حياتك. لازم تقبل - [00:51:52](#)

هتقبل فيهم اي شغل. هتقبل فيهم اي مرتب. هتنزل تشتغل لمجرد انك تكسب مكاسب الشغل. لمجرد ان الفراغ ما يجيبلكش اكتئاب. لمجرد انك تكسب خبرات الحياة. لمجرد انك تحس ان لك قيمة. لمجرد ان البطالة ما تقتلكش وتفترسكش. لمجرد انك يبقى عندك قيمة. يوم ما تدخل في اي مكان - [00:52:02](#)

المرحلة الانتقالية ديت اقبل ان فيه ثلاث اربع سنين ممكن يبقوا عشر سنين. مرحلة اقبل اي شغل فيها. انزل بس اشتغل. انزل اتعب انزل صور يا ابني على رزقك. يبقى دي رابع حاجة في الروشته اقبل المرحلة الانتقالية. الدواء الخامس في الروشته الرضا. يعني ايه الرضا؟ يعني ما تروحش تتقدم لي لواحدة ابوها عنده - [00:52:22](#)

وخمسين مليون وتقول لي انا محطم انه ما وافقش علي. ما تروحش تتقدم لواحدة مسلا دكتورة في مش عارف كلية ايه. وانت مسلا يعني هو هي مش احسن منك ابدًا - [00:52:42](#)

ولا في الدين ولا في الدنيا لا عند ربنا ولا اصلا في الدنيا. هي احسن منك في حاجة بازن الله. وحده ولا انت اقل منها في حاجة. ولكن يا اخوانا هي الدنيا مش ماشية كده - [00:52:52](#)

ممكن دي اصلا لو انت اتجوزتها تحطملك نفسيا. مصايفها غير مصايفك. مصروفها في اليوم قد مصروف السيد الوالد وهو عنده ستين سنة في الشهر. مش وفكرها غير قرايبها يقولوا كلام وانت قاعد جمبها الكرسي اللي جنب ده فاضي انا زعلان اوي يا جماعة يعني مش عارف والله يعني الحمد لله بس هي مشرد - [00:53:02](#)

خير يعني ان شاء الله بشرة خير يا اخوانا والله انا راجل وفي جدا يا اخواني والله اللهم لك الحمد يعني. ربنا يعني انا لسة باقول لزوجتي النهاردة يعني بلاش بقى عشان ما نتحسدش بقى. يعني اللهم لك الحمد ولك الشكر - [00:53:22](#)

انا بس انا خايف لما زلت تشوف المنزر تسيء الزن بي يعني. فانا يعني ان شاء الله ما فيش ايزاء الزن ولا حاجة. يبقى الرضا الرضا يا جماعة. لا انسى رؤية شفتها لواحد - [00:53:34](#)

صاحبنا زوجته مش حلوة. انا مش بقول مش حلوة مش قصدي. قصدي جمالا مش عليه. بس هي عروسة لقطة يعني. فشفته في

رؤية ماشي جنب ساروخ من الجمال. باقول له ايه ده - [00:53:44](#)

قال لي رضا مراتي. قلت سبحان الله! لانه راضي بها ربنا حلها في عينيه. ممكن يتجوز ملك الجمال وما يحسش بجمالها. يبقى العلاج الخامس الرضا يا شباب ارضى ارض عشان ربنا يسعد قلبك. السعادة مش في الغنى. السعادة في الرضا. الدواء السادس. الدواء السادس. طور امكانياتك واكتشف الحياة - [00:53:54](#)

ده دواء خطير جدا يا اخواننا. يا اخوانا سيدنا يوسف لما دخل على الملك كان معه سي في بهر الملك. عارف يأول الرؤية وعارف طريقة تخزين الحبوب الزراعية في سنبله وعارف ادارة الامور المالية اني حفيز عليم. معاصي في ضهره. يا اخوانا الحياة مش جوازة وبس. ما تقفلش افكك. ممكن طموحاتك اللي انت بتبكي عليها - [00:54:14](#)

انها ما بتتحققش النهاردة. لما تفتح افكك في الحياة تكتشف انك بتضحك على نفسك انك حلمت بالاحلام البسيطة دي في يوم من الايام. القرآن قال لك سافر فسيروا في الارض - [00:54:34](#)

في الارض سيروا في الارض عشان تفتح افكك للحياة. القرآن قال لك اتعرف على الناس كلها لتعارفوا عشان العلاقات بتفتح الافق في الحياة. الاسلام قال لك المؤمن القوي خير واحب الى الله من المؤمن الضعيف. طور امكانياتك. خد دورات اكتشف الحياة. اقرأ اتثقف عشان تعرف. الدنيا وصلت لايه - [00:54:44](#)

الحياة مش بسيطة يا جماعة. يا اخوانا لما النبي عليه الصلاة والسلام خد الصحابة ولف حوالين الكعبة في عمرة القضاء قال لهم اكشفوا كتفكم. ليه؟ لان كلهم عرض كمال اجسام بيرعب الكفار - [00:55:04](#)

قل لهم شوفوا المارينز الاسلامي. شوفوا القوة الوقتي لما بنروح عمرة مع بعض. والرجالة تقوم كاشفة كتفها. انا عايز اقول لهم غطوا الدهد مش العضلات بقى مش كمال الاجسام كله دين. يا اخوانا الدين مش دروشة. الدين بيقول لك فجر طاقاتك في الحياة. الدين بيقول لك اتغير. طور امكانياتك. ربنا بيقول - [00:55:17](#)

تتمنوا ما فضل الله به بعضكم على بعض. الحياة مش امانى. الحياة مش احلام. اومال ايه؟ للرجال نصيب مما اكتسبوا. افتعلوا. يعني تعبوا يعني بزلوا شباب قاعد على القهوة عايز تتمنى ومش عايز اكتسبه. الدواء السابع في الروشة وهو - [00:55:37](#)

اختار في الجواز صح اوعى تختار غلط في الجواز. لازم تختار جوازة صح. طب اختار جوازة صح دي ازاي بقى؟ لازم تختار جوازة. انا قلت لكم ان الدرس ده كله عشان تصحيح مفهومي. مفهوم - [00:55:54](#)

الشباب عن الشغل بفضل الله كل الحاجات اللي احنا قلناها. ومفهوم الشباب عن الجواز. القرار الغلط في الجواز بيضيع. الجواز عامل زي مفرق. لو ما انتاش ماسك الدركسيون كويس قبل العربية تتقلب بك وبيك الاختيار الغلط هتفضلوا تدفعوا تمه طول عمركم.

الجوازة الوحشة وحشة. والجوازة الحلوة حلوة. الاختيار نقطة في - [00:56:06](#)

الخضار فيه ناس حياتها دمرت بسبب سوء الاختيار في الزواج. طب قل لنا نختار ازاي؟ اقول لكم امتى ده فات ثمانية وخمسين دقيقة. ان شاء الله المرة الجاية الجزء الثاني من انت بتشتري راجل عن تصحيح مفاهيم الاختيار في الزواج. ازاي تختاري صح وازاي تختار صح. تصحيح المفاهيم. يبقى الدرس بتاع الليل - [00:56:26](#)

كان تصحيح المفاهيم في الشغل. وادينا الروشة السباعية. الروشة السحرية لتغيير واقع شباب القهاوي. لتغيير واقع مئات الالاف اللي قاعدين على القهوة محبطين لوقاية شباب اعدادي وسانوي وجامعة من انهم ينضموا لنادي الاحباط على القهاوي في يوم من الايام. واحد دور على - [00:56:46](#)

الشغل على رزقك من بدري. الشغل مش عيب. الحرفة مش عيب. التجارة الدين حث عليها. الفراغ هو ام الجرائم. اتنين الطاعة هو السبب الجبار لتغيير الحياة. ولفتح افاق الرزق. وخير املا ولاعطاء الامل في الحياة. ثلاثة الالتزام - [00:57:06](#)

لازم تبقى انسان ملتزم وتقول يا رب. ثلاثة احزر من الحلول المدمرة. اوعى تلجأ للمال الحرام وتبدأ حياتك بمال حرام. اوعى تلجأ لفكر طنش تعش داعش ما تكبرش دماغك. دا مستقبلك يا ابني اتعب الوقت وواجه. اوعى النقطة الثالثة في هزه في العلاج الثالث اوعى تلجأ لعقود العمل قبل ما - [00:57:26](#)

اعرف انت محتاجها ولا مش محتاجها. قبل ما تعرف انت بتحط رجلك فين. الدواء الرابع المرحلة الانتقالية. اقبل المرحلة الانتقالية. اقبل ان الاجازة مش مارينا وانزل اشتغل اقبل ان الدنيا مش هتفتح لك احضانها فورا. اقبل الـوظيفة اللي بخمسميت جنيته. اقبل الـوظيفة المقرفة. اقبل اي مهنة دلوقتي ليه؟ اي مهنة شريفة مناسبة. ليه - [00:57:46](#)

يا ابني عشان المرحلة دي لازم اي شاب يعدي بها. سنتين تلاتة ربنا يفتح عليك وهتشتغل احسن شغلانة في الدنيا. بس اقبل المرحلة الانتقالية ديت الاول خمسة الرضا ارضى السعادة في الرضا. ستة ستة طور امكانياتك في الحياة وفتح افكك في الحياة. اقرأ سافر - [00:58:06](#)

اتعرف اباحس شف خبرات طور امكانياتك واسع افكك. سبعة اختار بيت صح. اوعى تختار بيت غلط وده المرة الجاية بازن الله سبحانه وتعالى اللي هينفز الروشتة السبوعية دي يا جماعة. ده ان شاء الله ده هيحقق المعادلة المستحيلة اللي ما فيش حد في الدنيا عارف يحققها. السعادة والنجاح - [00:58:26](#)

النجاح تعيس. لانه ضحى بالدنيا عشان ينجح وشواه. والسعيد مهيس وفاشل في حياته. النجاح والسعادة المعادلة الوحيدة اللي الدين بيحققها من خلال هذه الروشتة السبوعية الدرس ده لا يتعارض مع الزهد يا جماعة. الزهد مش ان انا ارمي الدنيا وابقى عامل زي اللي قطع ايديه ورجليه عشان يجري بسرعة لقي نفسه مش عارف. لان - [00:58:46](#)

الدنيا دي ايدينا ورجلينا في الطريق الى الله. الزهد وسعى لها. ان سعيك يبقى عشان الدار الآخرة. انك تفهم ان الدنيا ما تستاهلش السعي. اللي الآخرة فتسعى وتشتغل في الدنيا عشان الآخرة الدنيا مش عدوة للدين. انما الرسول قال ساعة وساعة. اوعى تشتغل في الدنيا وتنسى الساعة بتاعة - [00:59:06](#)

ربنا تسمع درس ديني تقرا قرآن تقعد في الجامع جلسة ضحى يبقى آ لازم نفهم ان دي مش افيون للشعوب. الدين سورة تصحيح. الدين بيفوقك مين بيوصلك لربنا؟ الدين بيفجر الطاقات اللي جواك التوصيات النهائية. انزل اشتغل انزل دور على شغل ابدأ - [00:59:26](#)

الحالة الانتقالية من دلوقتي. ولو انت شاب كبرت ارجع تاني وهات المرحلة اللي ضاعت منك. واجهوا اتمردوا على مفاهيم المجتمع المدمرة في الجواز وفي الشغل يا اخوانا انزلوا اشتغلوا. يا اخوانا ابدأوا حياتكم العملية. يا اخوانا اقبلوا المعروض والمتاح الان. وبعد سنين هتقولوا اللهم لك الحمد على نعمة - [00:59:46](#)

على نعمة الدين العظيم ده اللي ملا حياتنا بركة وملء حياتنا نور وملء حياتنا افاق عالية حاجة غريبة يا جماعة ان احنا في درس ديني يكون التشكيل في النهاية مش قيام الليل. التشكيل في النهاية مش صيام الاثنين والخميس. التشكيل في النهاية مش عشر زي الحجة اللي جاية بعد ايام. التشكيل في النهاية انزلوا اشتغلوا في سبيل - [01:00:06](#)

واسمعوا الدرس ده تاني. حاولوا تفرغوه. حاولوا تكتبوه وترتبوه. وتنقلوه للشباب وللبنات. عشان نصلح فكرنا. يا ربنا. الله اللهم زدنا ولا تنقصنا. اللهم اكرمنا ولا تهنا. اللهم اعطنا ولا تحرمنا. اللهم اثربنا ولا تؤثر علينا - [01:00:26](#)

اللهم اهدنا ويسر الهدى الينا برحمتك يا ارحم الراحمين. سبحانك اللهم وبحمدك اشهد ان لا اله الا انت استغفرك واتوب اليك وجزاكم الله خيرا - [01:00:46](#)